

Broj: 06-20/22- 1773 /211.M  
Sarajevo, 20.09.2021. godine

Na osnovu člana 12. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 3. stav 3. Zakona o veterinarstvu ("Službene novine Federacije BiH", broj 46/00), člana 70. stav 2. Zakona o veterinarstvu u BiH ("Službeni glasnik BiH", broj 34/02), čl. 6. i 7. Program obuke službenih veterinaru u Federaciji Bosne i Hercegovine za period 2021-2025. godina ("Službene novine Federacije BiH", broj 44/21) i Programa utroška sredstava sa kriterijima raspodjele sredstava "Subvencije privatnim preduzećima i preduzetnicima - Poticaj za veterinarstvo" utvrđenog Budžetom Federacije Bosne i Hercegovine za 2021. godinu Federalnom ministarstvu poljoprivrede, vodoprivrede i šumarstva (Službene novine Federacije BiH br. 37/21) Federalno ministarstvo poljoprivrede, vodoprivrede i šumarstva  
d o n o s i

## PLAN OBUKE SLUŽBENIH VETERINARA U FEDERACIJI BOSNE I HERCEGOVINE ZA 2021. GODINU

### I

Cilj Plana obuke službenih veterinaru u Federaciji Bosne i Hercegovine za 2021. godinu (u daljem tekstu: Plan) je da se kontinuiranom edukacijom obezbjedi nepristrasno i kvalitetno provođenje i dosljednost službenih kontrola na svim nivoima kao i unaprijeđenje rada službenih veterinaru i veterinaru koji provode mjere zdravstvene zaštite životinja u Federaciji Bosne i Hercegovine iz područja:

- a) propisa o hrani i hrani za životinje, lijekovima za upotrebu u veterinarstvu, zdravlju i dobrobiti životinja, rukovanju nusproizvodima životinjskog porijekla;
- b) primjene metoda i tehnika koje se primjenjuju za vrijeme službene kontrole,
- c) odobravanja i registracije objekata u nadležnosti veterinarstva.

### II

Obuke će se, u skladu sa epidemiološkom situacijom u Federaciji BiH, održati kao:

seminar (stručna predavanja) za sve službene i ovlaštene veterinare  
jednodnevne obuke za ciljane grupe službenih i/ili ovlaštenih veterinaru

### III

Za obuke iz tačke II ovog Plana obuke Federalno ministarstvo poljoprivrede, vodoprivrede i šumarstva će odabrati mjesta i termine, te predavače i teme iz slijedećih oblasti:

- primjene propisa iz oblasti zdravstvene zaštite i dobrobiti životinja i prometa i upotrebe lijekova koji se upotrebljavaju u veterinarstvu;
- primjene propisa iz oblasti sigurnosti hrane životinjskog porijekla i hrane za životinje;
- zbrinjavanja i rukovanja nusproizvodima životinjskog porijekla;
- izdavanja dokumenata koji imaju značaj javne isprave, vođenja evidencija, dostavljanja izvještaja i drugo;
- službenih kontrola na farmama;
- službenih kontrola kod subjekata u poslovanju sa hranom, hranom za životinje i nusproizvodima životinjskog porijekla;
- upoznavanja sa novim propisima .

#### IV

Nakon održanih obuka učesnici popunjavaju evaluacijski upitnik na osnovu kojeg Federalno ministarstvo poljoprivrede, vodoprivrede i šumarstva izdaje certifikat o prisustvu na obuci i procjenjuje potrebe za organizaciju obuke službenih veterinaru u narednom periodu.

#### V

Realizacija ovog Plana obuke finansirati će se sredstvima predviđenim Programu utroška sredstava sa kriterijima raspodjele sredstava "Subvencije privatnim preduzećima i preduzetnicima - Poticaj za veterinarstvo" utvrđenog Budžetom Federacije Bosne i Hercegovine za 2021. godinu Federalnom ministarstvu poljoprivrede, vodoprivrede i šumarstva (Službene novine Federacije BiH br. 37/21)

#### VI

Radi informisanja službenih veterinaru ovaj Plan obuke će se objaviti na web stranici Federalnog ministarstva poljoprivrede, vodoprivrede i šumarstva.

Dostaviti:

1. Sektor za financije i računovodstvo
2. Kabinet ministra
3. Sektor za veterinarstvo
4. a/a

